



T5663/2248(7)

CHINESE - JAPANESE LIBRARY
HARVARD - YENCHING INSTITUTE
AT HARVARD UNIVERSITY

DEC 9 1953





麗中別
有一種秀
色幽香洵
是名士

旗亭讌

掌霖張龍文著

塔佛大學漢和
圖書館珍藏印



西江月末上寥落一生無可。騷腸病骨愁魔。救成

新譜按漁歌。莫遣漁郎笑我。佳句珠涼玉火。知

音錦陣花窩。旗亭無恙到今麼。容我橫襟上左下

俊才人爭價酒家胡

巧雙鬟獨引涼州調

正名

第一折

步步嬌生貂帽重裘上是好大雪也千尺龍梢和

方
言
一
鷺。叫。丙。夜。天。成。皓。晨。炊。咽。曉。風。繡。被。添。寒。孤。客。先
知。覺。詩。思。渴。難。消。助。江。山。倩。出。滕。公。哨。客。懷。妻。絕
嘆。如。何。羸。得。詩。名。付。嘯。歌。夜。靜。天。公。欺。落。魄。梅。葩
點。盡。雪。莎。莎。小。生。唐。進。士。王。之。渙。是。也。赴。舉。京。師。
隻。身。旅。邸。謬。塵。詩。隊。忝。重。時。流。稅。居。這。旗。亭。左。側。
名。勝。一。區。過。從。有。當。代。高。賢。羊。求。二。仲。正。是。癡。酒
耽。詩。今。日。事。從。青。拾。紫。異。時。緣。昨。晚。卧。中。寒。峭。原
來。下。這。一。場。大。雪。好。也。幾。日。來。詩。情。微。滿。對。此。清
光。殊。覺。助。人。吟。興。只。是。王。少。伯。高。達。夫。二。兄。往。常

遊。處。畧。同。都。也。風。塵。未。偶。因。何。掃。徑。尚。缺。披。衣。想
應。不。久。便。當。移。屐。我。且。把。這。雪。中。遲。客。吟。一。小。詩。
沉。吟。介。玉。龍。飛。甲。載。江。湖。綠。水。丹。山。畫。圖。我。待
高。吟。鬪。碧。落。拈。髭。未。了。客。停。呼。又。散。步。沉。吟。暫。下
外。美。髯。小。生。蒼。髯。各。煖。妝。上。

前。腔。萬。斛。清。寒。令。人。老。冷。盡。長。安。道。堆。花。壓。柳。腰。
蠟。屐。經。過。不。用。山。陰。棹。鹽。絮。舊。題。標。綵。毫。端。自。有
新。篇。妙。外。小。生。王。昌。齡。小。生。小。生。高。適。客。中。清。寂。
待。訪。王。郎。劇。話。去。也。平。圃。新。泥。印。玄。亭。舊。卧。遊。此

間已是徑入則箇生散步沉吟上拈髭未了客停呼外撫生背介這呼可停得了生驚介呀二兄幾時來失迎也外知卿苦心特爲破夢小生正說王郎自有新篇妙適來佳製可得口占生便是玆俟芳踪杳然車轍就將雪中遲客成一絕句二兄休得見笑外小生願聞生吟前詩介外小生好詩也王郎此間對雪甚佳柰之一樽澆贈何不向旗亭領醉一回生正欲如此便同二兄前去行介

忒忒令生正西洛詞箋滿瓢又東鄰酒旗相召外

小生寒颼不小。賒不得玉頰山倒。正蘭陵玉窟饒。試鶯鑪。劉白座。咱家們認早。生來此是旗亭也。酒

家有麼。丑扮剪頭胡雛着犢鼻禪上。釀成沈淙鷓

王母點就葡萄試索郎呀。衆郎君來了。今日雪情

風氣曉得郎君定覓鑪頭早。焚下桃花雨。蓄薇露。

數瓶相待那臨池小閣到也。清幽郎君那幅坐去。

衆坐介丑暫下生二兄你看那白茫茫一帶是驪

山也。那搭是馬嵬坡也。小生那壁參參差差的是

今上新建的花萼樓。勤政樓也。外二兄這雪裏山

容又是一般光景。

沉醉東風外。鎮相看眉修黛驕。陡今朝。髻雲裳。縞望秦宮漢寢。笑指道。琪花瑤草。想當日。秦如呈。癸灰徒十萬。開這驪山。今日呵。阿房酒潮。咸陽炬塵。那些個。崔巍萬槌千鑿。丑上。好山飛。侑酒。在客坐臨池。酒到。下。衆飲介。小生是也。饒他事業千秋。怎及當前卮酒。你看那驪峯絕頂。千章玉立的。還是當年五大夫松。他歷過幾多冰雪了。

好姐姐。孤標。幾花朝月宵。救點就怪鱗奇爪。神明

棲護。吼吟常半霄。二兄。這松呵。他倒曾受王封。似我你這條綵筆。未審後來比他受用。還是如何。如何道。離奇。可是。凌烟料。怕雪壓寒貂。凍不消。生。達

夫兄。休是這等說。記得少伯兄詩否。當爲時世出。不由天地資。我輩行藏。好問那箇。只問我你。酒家那有。丑上。生。爲我再熱幾醅酒。并取個大白來。丑。有我家自藏。迦勒玻璃酸。常趁新豐琥珀醪。下。取盞并酒上。復下。生。二兄。嘗試引滿。聽小弟一言。

園林好。比如那頌仙遊。凌雲待飄。就如今奏清平。

紅綃潤毫。儘說得文章能嘯。那些箇待風高。那些箇倚天曹。小生只是小弟常想朱買臣行年五十

當富貴。祇如今王郎是裘馬當年少。伯亦風期風壯。只我高適五十為詩。百年已老。假饒朱買臣在今日。可不是會稽太守了。生勛名早晚。自古不同。當日公孫弘牧豕海上。蹭蹬七句。漢武皇帝纔拔他做箇賢良第一。小生笑介聽王郎說公孫弘七十賢良。小弟還該有二十年共此寒雪。好冷也。衆大笑介外王郎也說個晚達的比方。若論今日高

兄待得七旬。那大羅天榜。怎待得七旬的高兄也。衆又大笑介

江兒水外醜酒閒評吊。談幽並鹿蕉。朱買臣也等

得着公車召。公孫弘也盼得上賢良詔。我高達夫

可只落得箇旗亭傲。一樣壽星出跳。千斗珠璣少

不得都向天家賣耀。內作鼓樂介衆立聽介。是何

處樂響。再聽介生這一派法音。隱隱是花萼樓中

出來。想皇上萬幾初暇。賞雪筵開。梨園供奉。奏霓

裳羽衣。為民間賀太平也。那知道我輩寒冷。

五供養犯生法音飄渺。仙隊雲頭。仙響梅梢。新聲傳道調錦字。出銀橋。想我輩詩詞流傳宮禁。這些時御前奏出。亦未可知。清竒樂府。儘博得崖公誇好道。珊瑚枝盡響。翡翠羽全嬌也。慰這風雪蕭騷。聆此豪華。我輩如何不痛飲。大嚼介淨扮內使負皇封。馳馬上。霜心迸出。渥珠酣。驛使飛馳。佐禁盤。解得調元心事苦。大家親手劈餘甘。咱們奉着勅旨。將江南新造相子。傳賜百官。不免走一遭也。走馬介外衆望介這內史分明說奉旨傳相的故事。

哩止是君相同一心。閭閻歌萬福。

玉交枝外南天聖果。日邊來。臚傳錦幟。破時香沁。涎先潦。自天題處難消。若是我們這番遇合。呵。大官蔗漿捫腹饜。紅綾餅餛磨牙咬。撒鹽蘸隨些。早朝做鹽梅添些。畫卯木扮差官雜捐大旗上書奉旨。賜舖鳴鑼上。九稔仍飛六出。彗星官屢奏泰階平。班朝無事歸驄早。百戲樓前赴大烹。咱們是京兆府差官宣旨。爲着連歲豐稔。賜天下大舖十日。列位好酒多飲。好肉多吃。纔是這邊叫了。到那邊

宣去。鳴鑼下。小生。原來是覃恩賜舖。我輩又須沉醉幾朝也。正是王聖誠為瑞。寒深越是春。

川撥棹。小生。真歡樂。報昇平。一個饒。小旗亭酒旆。須挑。小旗亭酒旆。須挑。趁仕女們紅媽紫妖。我們又添幾個詩題也。醉花驄。是一條。鬪魚龍。是一條。內笑語介。前日勅賜吉光裘。供奉怎生不着。生眾驚聽介。又作語介。篋篋供奉今日不來。大是悶人。生。是何處客到。我去看來。捷下。即笑上。二兄大奇。大奇。是一班女娘。奢華艷曳。都雅頗極。像也。到旗

亭索飭。二兄。真神仙中人也。

香擲娘。生。是神仙降霄。是神仙降霄。月拖雲。裊天

街。一道香風繞。態龐兒怎學。態龐兒怎學。嫩臉杏

蓓。天纖腰。柳尖小。選也。選不出這一千人物。便盡

圖也。少便畫圖也。少。巫山寂寥。桃源怎索。丑上。雜

扛火爐。隨上。眾郎君坐久。身上得無寒冷。酒家特

備獸炭。紅爐贈君圍擁。若是腹中饑餒。酒家自有

黃梁。生。生受了。這爐好放在那邊。丑放下。外。據王

郎說來。莫非是內家救束也。我們既有火爐在此。

且共圍爐。談他深坐。生是也。二兄。
尾聲。他是雙成。夢綠閒。尋開外。小生王郎。措大風。
魔藏着。且和你把酒。思才情冷處。獻衆作擁爐。或
散步隨意下。

第二折

末淨俱。胡帽胡錦衣。拴絳持樂器上。末月支香。染
驢驢裘裂。譜追雲入九秋。淨曲曲天音稱第一。名
幾勅賜動盈籌。末咱家內供奉李龜年是也。淨咱
家賀懷智是也。我兩個今日在花萼樓中。侍筵賞

生。頃已護駕還宮。拉取那女樂班行。同向旗亭賞
酒。酒家咱們人馬多些兒。道是那廂兒可寬坐得。
內應臨池小閣。東次廣几。可容供奉們寬坐也。末
淨如此甚好。且待他們到來。老旦貼旦小旦旦各
艷妝持樂器上。老旦前頭絲管。世間無。貼到處圍
花簇綉圖。小旦消得真人頻覬斗。旦輕扶銀蒜近
簾鬢。老旦妾身潘昭是也。貼妾身張雲容是也。小
旦奴家永新是也。旦奴家李十二娘是也。蒙李供
奉相邀。向旗亭望雪。不免同走一遭。入見介。老旦

原來先在這裡了。末酒家說這廂可以寬坐，果然到也幽雅。淨適纔雲容姐獻舞，太真娘娘贈詩，說羅袖動香香不已，香不已可謂盡舞之妙。老旦恰纔這舞，不愧那詩。淨今日聖人大駕出宮，聞有咏雪的聖製，供奉記來否？末記得不全，只中間警句，說北風勇士馬，這氣概兒，可使才人閣筆，且久聞供奉絃索班頭，原來又是談詩積祖。末笑介取笑了。丑上舊釀，既為才子盡新醅，初就美人嘗供奉。們酒到。丑下。末天色深寒，我們且立飲數巡，以玩

山色外生小生上作圍爐潛聽介

點絳脣末唱的是羯鼓名流琵琶壓寨清平代供奉回來又和着這金釵凱

北混江龍龍樓雪蓋那搭兒君王妃子錦相推常

則是花園步障說不盡香裊簾懸淨他戴的末他

戴的尤真溪珠母貢龍胎淨他穿的末他穿的三

桑國西女朱蚕帛淨他喫的末他喫的連雲棧紅

塵新荔淨他睡的末他睡的斯調海火浣霜縉淨

他簪的末他簪的通天纛玉雞驚駭淨他踰的末

真亭燕

他。踰。的。火。齊。珠。味。燕。胡。猜。淨。到。春。來。末。到。春。來。沉。

香。亭。課。名。花。錦。拍。淨。到。秋。來。末。到。秋。來。長。生。殿。誓。

私。語。金。釵。淨。醉。呵。末。醉。時。節。團。粉。腮。染。桃。花。小。雨。

淨。倦。呵。末。倦。時。節。含。酥。乳。剥。紫。芡。新。蓓。淨。他。於。供。

奉。們。何。如。末。他。於。供。奉。們。愛。得。哈。淨。女。娘。們。末。女。

娘。們。熱。得。垂。淨。是。那。裡。來。的。姻。緣。也。末。他。姻。緣。是。

王。母。前。瑤。池。畔。下。了。千。生。拜。淨。再。呵。末。再。呵。觀。音。

座。紫。竹。林。請。了。萬。生。該。願。得。個。做。鵝。鵝。今。生。歡。愛。

成。連。理。夙。世。情。懷。這。椿。椿。兒。完。辦。纔。博。得。個。綢。合。

和。諧。生。衆。私。語。介。原。來。是。這。一。千。人。也。丑。上。花。露。

連。罌。倒。名。卮。入。座。飛。天。暮。雪。狂。供。奉。飲。酒。如。何。用。

得。小。杯。前。日。張。果。先。生。同。葉。師。尊。向。店。家。索。飲。留。

下。麴。秀。才。出。上。金。尊。一。副。聊。代。典。衣。那。尊。容。可。二。

升。氣。不。外。散。敢。將。來。供。奉。們。取。醉。出。巨。觥。衆。驚。視。

介。是。好。器。物。哩。末。我。便。向。潘。家。娘。子。斟。下。一。甌。索。

取。清。歌。一。曲。老。旦。狂。污。怎。了。淨。我。們。且。坐。者。老。旦。

受。酒。飲。介。外。私。語。生。小。生。這。些。樂。府。名。詞。多。譜。才。

人。格。調。我。輩。聽。他。入。歌。多。寡。以。定。詩。品。優。劣。道。是。

如何生小生此論大妙只索佇聽則個淨歌便歌
了怕看官們未曉好歹先把粉本表白一番老旦
我唱個寒雨連江夜入吳平明送客楚山孤洛陽
親友如相問一片冰心在玉壺煩姐妹們和來貼
使得老旦唱衆細樂合
南桂枝香今宵人在平明吳會一天寒雨連江一
葉秋帆若芥雒陽雲處理雒陽雲處堆楚歌款乃
玉壺無礙送君來親友如相問冰心寄好懷末衆
妙妙這送別詞一字千回不啻杜鵑啼也貼不啻

斷猿淚也我輩皆當引滿以送好音衆飲介生遶
間所歌是少伯兄詩外正是待我向壁間記着起
畫介一絕句復坐介我們再聽來末衆唱

北油葫蘆潘家娘怪不得娘娘行直恁愛鎮朝昏
不教伊出外只聽纔連江寒雨怎安排他詩兒分
明一幅秋江繪你歌兒偏標兩點春山黛比如你
一字兒一刻敲百聲兒百轉色試推窓覷呵恐梅
梢早有停雲在這班行中怎不占個花魁老旦過
獎了我們抽醜只是拋磚雲容姐你好生技癢哩

詞譜名離
別綢繆到
生死即達
夫此詩中

這次且待奴家送酒送貼貼接介何事潘娘挑決
吾短生那僻廂又待歌也各竦聽介貼我歌個短
些兒開篋淚沾臆見君前日書夜臺何寂寞猶是
子雲居貼且唱衆樂合介

南八聲甘州開械一嘅是子雲前日雁足魚胎琴
書清快不信這人歌薤綢繆昔擬同生死契濶多
因離別挨哀哉望蕭蕭寂寞荒萊老旦衆拍手介
妙妙小旦這傷逝詞正如月下清笳寒垣孤嘯休
說人可沾衣就是鬼應頭白貼且怎敢當聊為供

奉角酒地耳末衆我們安可不飲共飲介外這所
歌是達夫的句小生正是待我也記着作畫介一
絕句生這番一定是王郎了又坐介末衆唱

北天下樂雲容姐你是蒿里出橫門人海上來凄
也麼哀愁他夜臺小旦唱韓娥傾城啼姬孩奏清
商聽是纔盼青絲愁早白這歌我也置不盡的形
容只和你大着聲喝個采小旦既然對酒當歌姐
妹們歡劇如此我永新怎的也衆妙妙我們先
奉一盃這纔是永新姐生跳起欲闌入介外王郎

怎來只此擁爐休傷雅致生復坐介小旦我唱箇
奉帚平明金殿開且將團扇暫徘徊玉顏不及寒
鴉色猶帶昭陽日影來姐妹們和者小旦唱眾樂

合

南解三醒瘦月影照人無賴便平明也團扇空懷
羊車到處開金殿不此地暫徘徊玉顏織素冰能
火薄命踈紈雪不皚昭陽債那些個寒鴉猶帶日
影飛來眾妙絕矣這官怨字字長門風景昔日阿
嬌白金買賦若聽了這歌千金怎的買價也旦此

是永新姐擅場誰可與爭鋒當日廣場發聲寂寂

若無一人者何況今日寥寥數輩貼旦供奉飲酒

此酒千金價也共飲介生這所歌像小弟的秋宮

怨小生只怕還是少伯的外休爭小弟已記着畫

介又一絕句小生你王郎歌壁上頗少怎的了外

外間只說三詩人齊名今日看來王郎正當奉我

為師生罷了這是曲卑和眾所以巴人歌下里我

是曲高和寡正湏白雪調陽春指旦介二兄看這

雙鬟眾中尤絕小弟之詩湏是伊人纔解歌得小

生不歌怎好。生不消說。只這牀下。就拜二兄為師。
若是王郎詩。這師席還是王郎坐下。外小生笑介。
那有此話。且看他。末衆唱。

北那叱令。好一個永新姐。香生生嫩額。溜圓圓料。

才意閒閒俊灑。字晶晶緊飾。九天上唾咳。緱山上。

剪裁。貼旦。那有個廣場兒。敢口開。就我這姐妹們。

叩首該。這境界怎的造也。纔是我曲譜中少室蓬。

萊。小旦。拙惡怎好掛齒。只李十二娘。閒評冷戲。吾。

輩如何當得。末衆自然逃不去了。送酒介。旦。逃了。

如何。小旦。就十二娘也不肯。生。那人來也。立聽介。

旦。我歌一個黃河遠上白雲間。一片孤城萬仞山。

羌笛何須怨楊柳。春風不度玉門關。旦唱衆作樂。

合。南醉扶歸望迢迢。不盡黃河塞。間重重萬仞故城。

排你笛怨何須訴荒臺。我柳枝已辦和愁。害博得。

個玉門關外報春來。敢倒白雲。索性和春買。衆妙。

哉大奇調哩。生大叫跳笑介。如何。小弟不妄語也。

難道還是小弟拜二兄。還是二兄快拜小弟。末衆。

真亭燕

驚顧起立介老旦獨進前問介諸郎君圍坐許久未審因何得此歡噓衆各立近前聽介外小生亦立介小生女郎見這壁上否老旦壁上怎麼外適來側聆衆妙歌詞盡是三人染作衆驚介呀是三詩人了久思拜訪幸此相逢又幾作相逢相失外豈敢只是前歌所及惟我二人獨此王郎杳無所遇他也注意雙鬢私念定邀玄賞及至發聲一曲居然唱徹涼州故此顛倒有驚四座耳老旦元來如此姐妹們傾慕許久今日不意班荆郎君能俯

就塵汚勉留樽俎使姐妹一觴一曲少接玄言進退未敢外小生怎好如此正恐累清几耳外衆左末衆右列坐介衆旦送酒介外小生唱北金盞兒是何緣迤逗得風雪綺羅偕飯胡麻劉阮遇天台生適纔聞說李十二娘便是臨穎的李十一娘本便是生謝了謝了你按涼州帮襯殺免我延師拜旦何敢當是有慚作者生再要怎麼妙出洛恁清奇瀟灑安一字魂立化媚無涯老旦歡此良夜又遇佳賓筵中無以為樂李供奉帶得羯

鼓來否。生便是今日失携，殊乖風景。老旦：怎好。永新姐不用絲管，只是姐妹們合調清歌，相送郎君。唱飲何如。小旦：甚好。歌那一套。老旦：諸郎高士，怎用舊本，就是早間新譜的罷。小旦：是輕羅浴彩。老旦：便是。就請永新姐起調。老旦：這們郎君請酒。外：自當痛飲。

南安樂神犯。小旦唱衆旦接：輕羅浴彩。錦江濤井染入看纔裁成舞袖，踏香階香塵不已。梅魂在滴露紅，染態麗日錦桃腮。麗日錦桃腮，找個秋烟帶。

排歌雲輕靨風小，俳鴛蓮微滑，感新苔。鶯初駭柳乍，擡清池拂破溜。鵝釵外衆撫掌介：妙也。真是裂石穿雲。此曲祇應天上有，說甚純狐把板。彭昭按腔如何能及卿家萬一。老旦：過獎。宮商有乖，匠石莫笑。生：再要怎麼，只是所歌咏舞新詞，耳所未聞。應是誰家手筆。老旦：這詩郎君怎的知也。便是今日花萼樓開宴，這雲容姐獻舞太真娘娘贈詩。姐妹行打入箏絃，用資酒佐。外：小生原來如此。其詩云：何小旦：羅袖動香香不已，紅渠裊裊秋烟裡。輕

雲嶺上乍搖風嫩柳池邊輕拂水外衆好也詩句
艷入芙蓉新歌更瑩如秋水可稱兩絕矣女娘們
直恁高才

北寄生草直恁才無賽各指巾介頭中弄甚乖說

甚麼班姬擣素文君白說甚麼明妃彈撥文姬拍
又說甚麼蘇娘織錦徐娘冊如今是機雲司馬盡
裙釵可知道磨旗逼壘高王敗老旦娘娘信是高
篇妾輩何當雅譽歡坐良久未審門外雪深幾許
妄想人生世界無過爲得與花月周旋這雪仙家

謂之天公玉戲然而就不常了爲樂及時無過此
際郎君對此佳景曾拈得新句否願一展誦以豁
塵心外沒有生真個沒有小生我二人果然未拈
這王郎到曾有一絕句旦貼旦向生介願聞妙製
小生不須問及王郎小生代誦便了玉龍飛甲載
江湖綠水卅山盡畫圖我待高吟鬪碧落拈髭未
了客停呼衆妙絕大高作郎君爲何藏寶貼旦慕
此良迥未整歎歌套本旣不可陳爲詞又未卽解
何不將此新詩點入歌譜以代一行鬪劇老旦這

是王郎詩。須我輩調絃。十二娘記拍。旦還是潘娘。
 老手雲容永新姐作家。老旦你是雙鬟。旦是甚的。
 雙鬟也。這們郎君供奉俱湏小飲一會待奴填板。
 老旦衆調絃外衆飲旦沉吟介。

南皂羅袍。旦唱衆作樂合大海玉龍飛鎧。遍江湖
 甲碎匝地鱗埋。綠水丹山放歌回。青簑碧落高吟
 再驚人可未拈髭細指。誰行訪踏携黎打柴。停君
 半刻酬他債。外小生妙絕矣。譜曲當筵音詞清洽。
 是人間一絕。况兼吐納之際。妙有餘情。卧雪高懷。

呼之欲出。怎不教王郎愛殺也。生可惜鄙詞不足。

傳木免唐突韻事。旦倉卒填按。正恐有傷名句。生

卿家仙才調也。淨郎君只是聽歌未詳本末。這是

臨賴李十二娘。生是呢。公孫大娘弟子也。劍器一

舞天下無雙。還有這般絕技。旦便是今日相携買

醉劍器却未帶來。若是郎君不嫌。請爲君清舞。郎

君立飲數行。何如。外衆甚妙甚妙。只是不敢動勞。

老旦今宵勝會願結三生。說甚勞也。撤筵介。末淨

執板衆旦以次獨舞介。又合舞介。

北對玉環帶過清江引。天上休來。婁清怎的捱天。
上休來。婁清怎的捱衫袖。自縈迴。長年沒個哈天。
上休來。婁清怎的捱。怎比人間界。熱擎竒軟溫存。
迤逗煞。

前腔。天上休來。婁清怎的捱。天上休來。婁清怎的
捱。玉杵自皚皚。天家沒箇裴。天上休來。婁清怎的
捱。怎去人間界。醉情騰舞。闌珊疼痛煞。外有勞了。
謝了。仙音仙袂。色色天家。生幽艷。淒涼。這霓裳羽
衣舞。書生們何處聽來也。老旦猶此典長。可惜夜

艾姐妹們只索去了。外衆謝卿輩情多。慙愧纏頭
之錦。旦衆說甚話來。謝郎君賜教。不減瓊玖之貽。
姐妹去了也。雪深何意。月裴拖。酒畔相逢少俊多。
攜手踏歌雲裡去。斟量國腹待銀河。下外小生生
弔場。生二兄無端佳晤。不啻遊仙。咱們歸去也。行
介。生原來又有一輪寒月。

南尾聲。二兄這美遊仙到。送得人無賴。外小生王
郎那雙鬟。今夜敢夢中來。生嘆介。我明日呵。教我
怎向旗亭坐雪齋。

外不留人任意如何小生怪逗情緣腕有魔
生欲訴相思明月冷
輕聲喚出又歡哥

餓方朔

東方朔蓬萊開口

西王母下界淘閒氣

餓神仙慚愧郭舍人

耍文才遭魔漢武帝

楔子

末扮東方朔上論兵學擊劍三冬足文史浮沉金

馬門臣朔饑欲死咱家東方朔便是耻作頑仙樂

笨庵孫源文著



此編可稱滑稽之雄
令人游心駭耳

舍人早占
便宜

游塵世。身居禁近。不礙朝真。昨日蓬萊宴上。蒙王
母娘娘問咱。人間何者爲第一。咱奏言。文章學問。
第一。當有劣仙。郭滑稽越奏說。人間有福之人。爲
第一。咱不覺呵呵大笑。仙班左右。劾咱失儀。咱奏
言。郭滑稽雖是朝真木品。現謫塵世舍人。每在漢
天子前。被朔難倒。敲臀榜背。涕哭呼嚎。今來又與
臣執拗。將市井濁言。上瀆天聽。難聞下土。故臣失
笑。罪該萬死。蒙王母娘娘聖恩。赦卿無罪。候返瑤
池。另旨定奪。只索祇候。則箇淨扮郭滑稽笑上。只

我便是郭滑稽。叵柰中郎東方朔。節節難爲小子。
昨在蓬萊宴上。他忘了。餓得眼花。還說甚文章學
問。依然談笑。詼諧。我看娘娘仙旨者。且扮王母上
俺因東方朔。郭滑稽。惑亂仙凡。宣他候旨。您兩人
可聽者。東方朔引一般能文仕女。郭滑稽引一般
有福東西。同向人間看誰第一。便知勝負。俺隨後
臨凡親覷也。

仙呂端正好。蔚華班。靈谿駕。那些箇侍從仙家人。
間也。傳多少。譏嘲話。不着您調紅雪。看黃芽收金

虎掌白鴉放假咱一刻邯鄲暇。
下末淨俺去來看誰勝負也。

第一折

仙呂點絳脣王母引仙女上母星簇珠芽日裁金
鱗天一搭冉冉行踏折莫罡風下仙女奏娘娘自
下天門從西極至此三十五萬七千里也呵下面
一塊土兒剛剛九千三百零二里便是漢家請娘
娘俯看者

混江龍母山川如髮俺細跟尋詳指點密分花劉

徹劉徹你在這一粒兒中間稱主也您手心大宇
厦指招樣塵沙跣跣刀尖土分番漢虛不丕筆
頭裏辨夷華箕星辰老軒轅都來浪付量造春秋
小仲尼蚤也間招架可憐煞回頭話擱眼生涯
仙女奏娘娘已下臨長安城也母分付收拾祥光
仙彩休驚下土者

油葫蘆您道千古長安帝子家昔和今真共假周
長秦短幾爭差這興亡何時是了也河山兩絡分
天下環城八水圖王霸我看山川秀麗方朔所言

果是文章之府。研池波清。渭流筆山。波終南。架有文辭。爭怕供描。盡郭滑稽。恁小子合敲牙。末上臣也未臣得少年才子終軍。請娘娘聖目遙觀者。終紫衣童子。上小子終軍。蒙東方先生薦舉。往給事漢廷也。下

天下樂母。點點星星格調佳。誰家玉笋芽。有神仙生成福分。只怕請影纓。膽氣粗。對白麟。心性雜。剗甘羅。踰緊凌雲襪。末臣又薦太史司馬遷。蜀郡

司馬相如者。二徠一冠帶綉衣。一文士扮上。俺司馬遷和相如入直漢廷。皆東方君所薦也。下

那吒令。母一箇總百家。似緝一把麻。一箇傾三峽。似潑半盞茶。跑損了丘明駕。棒攪了屈宋衙。敢老聃逢釋迦。更鍾期遇伯牙。蒼頡生有面。顏宓犧皇無牽掛。肯同侔秀才承乏。末奏上娘娘。有一箇李

陵將門之子。大好文才也。李扮二郎盔錦袍上。俺李陵喜波。東方曼倩薦我文學者。下

鵲踏枝。母他好名家恁豪俠。扼虎男兒射石根芽。

五言句開天大雅半萬兵騰地平踏末臣朔謹奏
 漢天子所聘正官陳氏文辭容德臣敢道人中第
 一也呀遠遠已見鳳輦請娘娘試看者且兒扮披
 髮貴女上妾乃大長公主之女母親被召入官將
 次朝回須索向前迎接也下
 寄生草母呀金枝潤玉葉華肉身親現天孫駕脂
 腮吐出神仙話胞胎長就珍珠價端詳那皇姑根
 派聖人家自合向嫡親中表當今嫁東方朔您好
 得着便宜者

後庭花文章錦繡花丰姿玉鮮瑕鸞鳳生丹穴麒
 麟產淫洼東方朔您領一囊之粟煞肯用心也待
 騰達幾多奇麗成就漢皇家那一班兒呵
 金錢兒休猜做禁門退休猜做御街滑晨隨上苑
 無驚怕春融金屋倍歡洽認彩毫杼白雪簇團扇
 擁紅霞百萬年受用些清世界三千隊領袖着女
 香娃

賺煞尾替東方添聲價那些箇曲高和寡紫電方
 瞳不負煞真揀盡風流俊灑笑呀呀早笑得眼花

我方明

不似東方
 增價已令
 金呀魂消

笑劣仙。恁要慣。誓誓喫打料。一會兒赴蓬萊。再領玉鞭撻。

第二折

淨上。郭滑稽好沒興也。領着王母娘娘仙旨與東方朔分些勝負。不想這老兒將五箇報與娘娘看過中意了。那中中貨兒下邊不理。莫道上界憎嫌。只我仔細看來。終家小廝。小頭小腦。還不敵那六十歲底公孫老秀才。司馬遷只認得古來幾代死鬼底事件。怎如喏那張提控把現在活人罪名安。

大呵便大。要小呵便小。他喜筆尖虛飄飄底相如。幹得甚事。俺卜大郎靠些穀子。積百巴千李陵這廝學一頭武。學一頭文。爭如馬坊裏小休屠子。做人執一。不則此等。就是陳公主女兒。恃着種草與皇帝不爭高下。怎如李行首討得來。小小心心底大姐也。娘娘仙駕已臨。須等候迎接者。虛下。

南呂一枝花。王母上。乾坤平減加。日月閒騰那。千年喬木蔭。比不得半刻碧桃花。波也麼查笑書生。觀的人間大。等閒說說煞俺仙家。道黑嘍嘍三年。

內舉子開場赤緊緊半夜裏官員放假
梁州第七涎吐兒今知漉灞燈煤裏揀出嵩華看
來萬物無真假一些子要東達三鷄南臨三楚西
控三巴鬧時節蠻觸爭蝸靜時節螻蟻排衙好則
是暫到人間蚤俺也嗟呀蚤俺也驚詫祇怕命高
福厚無虛詐郭滑稽通祿馬五星十耀照蟲沙蚊
睫畔爭誇淨上適來王母娘娘似贊小子祇領公
孫弘張湯卜式向夢中瞻天仰聖稽首叩首公孫
弘儒巾白鬍卜式短白鬚蓑衣荷鋤張湯吏巾拜

介母郭滑稽道底名姓俺知了者

隔尾公孫弘您雪霜髭只怕騎不的探春馬張湯
您卯酉簿只怕押不的畫日衙卜式則是您也道
不的虞舜于田禹躬稼美嗟好呀郭滑稽您看波
一幅兒雨簑晴笠凌烟畫三人下金日磬扮小胡
兒牽馬上淨有胡雛金日磬好福也

罵玉郎母俺只道掌穆王掣電流星駕原來是失
槽驢拋隊馬胡兒呵臘髻暑鬣勤梳刷跟伯樂向
雪廐踏隨伯罔向天街踏候造父往雲山跨金下

淨娘娘道不中呵。則有一李行首底女兒李大姐。敢是有福者。搽旦扮小妓束腰拜介。

感皇恩。母。艾露水鮮花。風浪浮葩。可憐煞。早。霉苗偷春筍。冒寒芽。只怕那酒闌雨雜。歌停雲滑。敢則是。夢。覓兒蚤。把星期架。入字裏。有字宿夾。姻緣事。似霧雲杳。妓下淨。臣道可入宮也。

採茶歌。母。你要擎艷質。去做上陽花。只怕選宮人。沒那過時瓜。烟月牌。剗地掛。長秋駕。配日同天。就將妃嬪轄。只笑您把皇家輕耍。口兒滑。淨下且笑。

介

牧羊添四足。將蛇畫。隔雙靴。把癢抓。問渭水。幾箇老姜牙。有多少。播穀封。邵耕莘。伐夏臯。陶非令。史下惠。豈隨衙。要那胡雛也。似開剝行市。駿骨。那妮子也。教坊司。占破瓦。

一煞。漫回首。向群仙笑煞。煞。湯滾黃梁半粒麻。河決崑崙一點沙。有甚爭差。來尋孔。斲忙刺刺癡。把戲玉酒甘先罰。費嘴撩牙。

煞尾。東方朔。覷底醉眼花。郭滑稽。熬底手心滑。漢

官家還夢裏坐高衙。俺暫返瑤池者。蚤碾霧拖雲
這一霎。

第三折

仙女上。莫道塵寰小。塵寰恩怨多。不移彈指頃。幾
許事消磨。俺王母娘娘駕到瑤池。遙見漢家那點
兒。上上一南一北。有牛毛般兩根怨氣。中間黃黑
相雜。冤喜朦朧。令我前往一觀者。下李陵上。腰間
寶劍七星文。臂上瑠弓百戰身。昨日雲中擒點虜。
今朝天上失將軍。俺孤軍百戰。斬虜萬千。大將不

援。陷我死地。只得降胡。索拜辭了漢家。咱拜哭。更

虜裝介。李陵李陵。怎有今日也。下終軍大帽青袍

繫。繚上高田種小麥。種以不成穗。男兒在他鄉。焉

得不憔悴。俺以文學仕漢。不令叅預政事。狠志請

纓。大臣陷俺着爲行人。單身來此南越。召王入朝。

目今南越已反。發兵四面圍俺。俺終軍性命只在

眼前也。打悲介。下孤扮漢武。且兒扮陳后。搽旦扮

李夫人。內侍引上蓬萊宮闕對南山。承露金莖霄

漢間。西望瑤池降王母。東來紫氣滿函關。朕今日

視朝合行賞罰。內侍們宣公孫弘、張湯聽旨。侍傳二人前扮見介。駕公孫弘文學優長，賜廷對第一。拜右丞相，封平津侯。張湯吏治精敏，可御史大夫。行三公事。公孫換金直翅紗幘頭，張展翅幘頭，各鱗衣。山呼下。駕宣卜式侍領旨。駕宣金日磧侍領旨。卜破氈帽短布衣。金前扮見介。駕卜式富國勤勞，加太子少傅、爵關內侯。金日磧宿衛忠勇，封秬侯，領車騎將軍之職。卜紗帽金金方幘，各鱗衣。山呼下。駕傳旨外朝司馬相如本緣納粟文體浮

華量准，加納事例授文園令，革祿回籍。司馬遷黨附李陵，譏切當代，闡爲宦官，俱卽施行者。侍向鬼門宣旨，內呼萬歲。介駕皇后陳氏多生怨望，巫蠱朕躬，可奪章服，廢爲庶人。長門宮居住。后換道扮褐色衣拜介。臣妾罪該萬死，謝聖人不殺之恩。駕李氏進對溫良，朕心嘉悅，冊爲皇后。可加翟禡者，搽旦換盛服上呼介。駕御卿少禮。旦兒率侍叩首。介天人交慶，願吾皇萬歲，娘娘千歲。駕李賜汝等平身。衆响道。駕携李旦兒隨後泣下。司馬相如大

翊短紗帽素服角帶引小厮上俺相如奉聖人之
命罷歸臨邛舉朝新貴人無我同輩只司馬子長
蚕室病創須往一別者厮報介司馬老爹拜公公
司馬遷扮內官上呀長卿您便還鄉咱好痛殺也
相如子長您怎到這般模樣者遷痛莫痛于辱身
醜莫醜于腐形看來我們四個兒您還留着費郎
本色便是文人第一流休煩惱則箇相如俺從此
便拜別哥哥也各拜泣前後下仙女上顛倒顛倒
便神仙也索嬌炒肚子氣得須彌般大喉嚨嚨得

芥子般小要鬧浮衆人平等恩化間如來到今七
種煩惱俺覷的漢家賞罰真悶殺人也娘娘聖駕
前回奏去

中呂粉蝶花王母上休說仙家被瞿曇這般看下
善憍天高居了三洛沙他笑四行譏六行村巷煞
吸露餐霞怕塵根住識兜搭猛墮着優陀延話女
奏上娘娘那怨氣是都尉李陵敗亡行人終軍被
難也

紅繡鞋母只道他金印懸來斗大只道他黑頭擁

去高牙。誰人要把眼釘拔。遍千丈壯心隨左袵。教一靈怨魄引鳴笳。留幾行血淚消殘蠟。女那公孫弘廷對第一拜相封侯卜式做太子少傅也。

石榴花母幾曾見雞毛禿筆再開花。牧豎踏官衙。

好天鵝喂着癩蝦蟆。騎牛底換馬。攪亂箏琶只白

鬚相對齒牙豁。霧朦朧眼上添紗。這件兒兩無厚

薄磚和瓦。真箇是李樹結黃瓜。女還有張湯散三

公金日禪領車騎將軍哩。

鬪鶴鴉母是了。坐中臺底能串橐隨衙。領車騎底

能剉柴養馬。好箇豕府棲鴉。虎臣當駕押底那兩

班文武有光華。把一朝官做了百事匣。愁只愁牙

瓜生威。漢兒暗啞。母司馬遷怎生了。女闍為宦者

也。

上小樓母太史名家。包羅着義農虞夏。他怎願得

冠左貂垂冠。右璫加帶下衣袂。向內廷踏宮娥狎。

豎涓們談話。早難道御屏下闍寺動星華。女司馬

相如以貴郎罷歸臨邛也。

么母相如初獻賦時。俺只道遇當家離人鮓。來顯

那仙韻凌雲。異寶披沙。香錦蒸霞。又不販滿網茶。又不頂使錢牙。却怎生論官酬價。這些時臨叩市。酸和辣。再把酒旗。又女那陳后廢為庶人者。

滿庭芳。母。守空宮。蜥蜴靈砂。又何須在雁分抓。

鏡鸞生寡女。李倡兒冊了正宮也。母。縱鷓鴣飛上。

金桃架。道不的捉牛是馬。您還怕驚鴛打鴨。俺蚤

是惜鳳隨鴉。魚龍化神鱗。困沙訕笑也。憑蝦女。想

那陳后也甘心也。

耍孩兒。母。便鳳凰不與鷄爭價。怎忘了。懷抱裏。候

門下茶。永巷貶嬌娃。又不為桃僵李代些芽。一箇
早扶上九天他化。一箇踹不住萬里流沙。難道使
臣們到构欄下。聘財是寄情的羅帕。牽巾是標首
的紅紗。

尾。薄命真。薄命真。文章假。文章假。滑稽說盡天人
話。占一帋旺財。尅印生官卦。母下女。呀。王母娘娘

到此也沒奈何了。文齊福不齊。文低命不低。連宵
磨鴨嘴。明日賤攬雞。

第四折

未上俺領王母娘娘玉旨。往漢廷替那有文學底
出口氣。不想反悞了兩司馬君和終黃門李都尉。
好生乏趣。只索見了娘娘也。

雙調新水令母上泥汙災劫愁天哥。槐安玄象令
人怕。蚤曉中顯化的神仙窟。毛孔裏全居着聖凡
家塵也麼沙。吾道無微無大。東方朔您來了。

駐馬聽霄漢靈槎。紫宮星燦葡萄架。渥洼天馬。綺
甸煙凝苜蓿芽。香塵匝玉輅正元衙。桂烟橫寶仗
迎仙駕。築堤沙。東方辟戟朝門下。漢家好一天封

拜也。

滴滴金富國經綸安邦律法。臨軒聲價更有人掌
殿護朝家。東方朔恁烏幘蒙頭。黃綬拖腰。紫刺縛
勝。早敢回丹墀。捧酒擎茶。末呀。娘娘訕殺臣朔也。
折桂令母不是俺浪訕輕沙。那文章呵。扶乾坤靈
闕。萬物根芽。恁細細分叉。般般凌駕。點點趨撻。那
造物呵。可也禁不的赤精神。虛描硬畫。只得把黑
前程。陽使陰加。再莫呵。細飯尋砂。牢船覓罅。好肉
生疤。末臣朔早害饑了也。

雁兒落。母呀。道不的參同守耀精。真訣調黃炁。玄
修不老方。餐鍊體糧話。末臣胡自吃了烟火之食。
交黎火棗乾不濟事。須索米來充肚也。

德勝令。母原來是曹交食量加。廉頗脾胃滑。那些
箇洞天能咽氣。漿水不沾牙。容納食腸不問長安
價。粗辣穀神偏向皮囊化。末說不得我急急往下
界有福人家借着難道沒有。向鬼門介有人麼。祇
候哥哥傳說東方朔借斗米兒喫哩。內俺卜少傳
爺和車騎金爺三丞張爺講話忙哩。教您往司馬

交園和李韃子司馬太監家借去。末歎介此間公

孫丞相府只得向前堂候老先相煩稟一稟。陪笑

介東東東方朔懇借升斗之粟。內丞相年老沒用。

怎不尋終家底。却恁般擔餓受餓。末好奚落我也。

來此已近長信。謹叩頭者。臣朔求一囊微祿以療

饑疲。淨上皇后娘娘令郭滑稽傳旨。東方朔奏錯

了。向冷宮陳氏求去。下末又不濟也。餓得慌了。還

是上天有路。遶場跑轉見母介。

沽美酒。母把神仙眼餓的花。文章口放的下。恨不

前稂糶秕穀滿街。還怕滾鍋兒無暇。也有想分
昨日自誇誇。未娘娘怎了也。母俺說與您者。

快活年。這壁廂那箇漢王家浮漚。豈有渣。蟠桃放
過兩三花。餓眼睜開罷。假上休添假。鼻凹裡把黃
梁抹。

太平令。能文底古今上下。有福底雪月風華。算將
來一絲不掛。算將來轉回說話。省咱曉咱。沒米底
休怕餓。方朔神仙口啞。

尾。慢提那子房辟穀閑中話。看雲陽市飽後風華。

一飯有何加。倒不如守長饑。七尺淮陰胯。

城南寺

漢臣黃家舒著



褐衣僧輕薄曲江春

杜舍人證果城南寺

正名

第一折

生扮杜牧之上蓋世文章金馬門。風光領袖六街

春。珠簾不捲紅樓面。留待花間得意人。小生姓杜

名牧。字牧之。京兆人氏。新中狀元及第。未及授官。

則為我弱冠登科。聲振京邑。盛名之下。醉應甚煩。

春容組艷
不學西廂
而神似

這城南有一文殊古寺，水竹清深，欲往隨喜片時，都未得暇。聞得官制將下，已着奚童伺候去了。想我少有逸才，下筆成詠，今日托賴聖恩，科名鼎貴，翰墨風華，好生榮豔也。

仙呂點絳脣。綠髮年韶，綵毫香老。承恩早。酒映宮袍，妬殺長安道。

混江龍。聽臚傳唱惱。誰似我洛陽才。三都賦占斷，向杜陵豪。彤墀日近，御墨烟飄。沙堤綉擁，綺陌青饒。千官劍佩，萬戶笙簫。綺羅人煖，珠翠春翹。籠鞭

壓轡。簇仗鳴鑣。夢中花都吹綻，在紫紅枝墨池魚。直飛上了風雲沼。暢好是機雲再世，班馬今朝。童

上玉佩趨青瑣，天書下紫闈。相公已奉聖旨除授相公中書舍人兼知制誥了。

油葫蘆。生則見你彩鳳銜書下碧霄。道郎官盡省標。取次的九重春色醉仙桃。童想中書舍人好生

清要哩。生是也。便河陽花。怎應得芙蓉幕。便綉衣

郎。怎奏得清平調。則我這侍黃昏長樂鐘。承紫禁君王召。鬱輪袍已換取明光草。又何須痛飲讀離

騷童方纔我在朝房中、伺候聖旨時節、見那一個不讚相公詩賦來、

天下樂生不在我一字吟成萬恨消、雲霄借羽毛。

雖然如此想從來知音的能有幾人、半為我集賢。

仙客人年少、就是我這幾篇詩賦、若沒有今日科

名呵險做了龍門藏的書、長沙招的魂、玄亭解的

嘲江頭投的瓢、全虧着一聲雷幫襯好、童各鎮節

度都有書通候相公咱、

那叱令生這的是凌雲筆、驚動了龍旗豹韜、童各

笑殺天下人

府公候動戚、都遣禮相賀、生這的是瓊林宴壓倒

了玉璽金貂、童朝中公卿大老也都來盡了、生這

的是含香署、鬧翻了鸞臺鳳閣、童那四方山人遊

客、詩僧舉子紛紛投書相見、却是為何、生這的是

李膺門自薦書、孔融座通名表、道是我西京冠冕

東壁瓊瑤、童聞得相公十里鶯啼綠、映紅與玉人

何處教吹簫二詩、已入御前承應、便是這些教坊

歌妓都說今年狀元不比往常哩、

寄生草、生映綠題山郭、吹簫憶畫橋、却原來禁烟

名士登科、前中又有

成南序

三

詩。早。譜。入。梨。園。調。陽。關。疊。早。彈。遍。銀。槽。索。柘。枝。詞。
早。舞。落。研。光。帽。便。道。那。年。年。桃。李。上。林。饒。須。知。這。
聲。聲。璧。月。瀛。洲。少。我。既。已。授。官。明。早。可。收。拾。入。朝。
謝恩歸來往文殊寺去者童曉得

煞尾。生。仙。掌。日。華。高。火。樹。星。榆。落。投。至。得。東。華。春。
曉。少。不。得。破。寒。窓。新。夢。朝。鷄。報。安。排。着。錦。袖。飄。飄。
受。用。些。爐。香。繚。繞。但。則。索。謹。隄。防。紫。駟。驕。蹀。躞。章。
臺。悄。望。銅。駝。路。遙。盼。金。鸞。歸。早。我。待。要。踏。青。郊。烟。
寺。草。蕭。蕭。下。

第二折

外扮僧上空華身世兩無憑百歲風前短焰燈只
恐為僧僧不了為僧若了總輸僧老僧無名禪師
是也皈依心西土寄跡南城則為這五濁昏昏三塗
擾擾利障易消名根難盡多少有智慧奇男子埋
沒在應舉登科多少沒結果小前程破壞了生天
成佛俺待與指示迷途同還覺路爭奈他識情流
浪綠業牽纏熱噉噉講經說法反添下人我幢高
虛飄飄因果輪迴怎喚得繁華夢醒算來不如依

樓雲水斷絕見聞。直到那眼耳鼻舌。俱歸寂寞。方纔信山河大地。立變虛空。且喜掛捨以來。地僻人稀。囂塵罕到。撚指又是三十年了。今日却纔出定。早午齋時候也。正是僧臘背前樹。禪心城外山。下生童上蓬萊。闕下是仙家。上路初迴白鼻騮。試向城南尋古寺。雲林深處日初斜。我杜牧之朝罷回來待往文殊寺去者。

雙調新水令 每日價宴櫻桃花柳曲江池。且偷閒春山遊屐。溪橋隨款段。風景愛招提。則今日珮解。

龜携還怕這綠衣郎有人識

下外上伏念調狂象

安禪制毒龍齋過後且去打坐者生童上迤邐行來已到文殊寺了進得寺門真好清幽也

駐馬聽寶鐸音吹。隔斷紅塵三十里。虛堂寥寂。蛛絲鳥跡。篆烟微遍。迴廊風雨。卧荒碑滿空。堦苔蘚埋幽砌。步斜暉。讀殘經。翻落松風裡。且進禪堂看者。

步步嬌花木蕭疎。清涼地。曲徑通禪室。暮鼓聞晨鐘。磬原來有僧入定在此。則見他擁短褐無言獨

掩扉把身心。覺後持等世界浮漚寄。且待他出定時。問些佛法阿。

殿前歡俺可也。謾躊躕。等得箇蒲團坐落。雨花飛。抵多少。撈嚴一卷心如洗。似這槁木寒灰。應不在

着袈裟。住翠微。僧起相見介生來稽首。忙投他乞

伊行半句曹溪偈。要做今生寶筏。夙世金篋。外原

來先生要問佛法。請先生坐了者。生好一個禪師

也。

攪箏琵琶。面慈悲。梅檀器容真實。龍象圍請問禪師

法號家鄉。一一見示。外既已忘名。有何法號。偶然

掛增。那記家鄉。說他則甚。生道行藏大海水。浮萍

論姓氏未生前。黑漆來此幾年。曾否募齋結緣。登

座說法。外則貧僧在此三十年。一齋一衲。並不曾

出這方丈也。生原來如此。美殺你護經簾。朝共夕

與軍持作侶。共木榻相知。拾黃葉爲衣。煮栢子充

饑印。雙趺肯踏門前地。還自愧紫陌紅塵騎外先

生高姓大名者。生小生姓杜。名牧。字牧之。世居杜

曲。與寺中相去不遠也。

城南寺

沉醉東風居和止。爭些咫尺字和名。有甚依稀便。
做道面龐兒不厮親也。應知耳朶裡曾聞說。但相
逢不用着殷勤。懷刺試看取世上詩名榜上題。怎
茫然面壁。外接語良久。到不曾問得先生所業何
事。童這師父好呆。難道不曉得今年狀元及第。是
什麼人。外貧僧不知。童好奇怪。方纔師父說不出
方丈的。想因此還未得知。只是難道舊年省元。就
出在這杜曲坊中。却也忘了。外貧僧也不知道。童
怪事怪事。

折桂枝。先呀兀道是杏園紅到處光輝。都付與人
靜山空。猿笑鷗疑。說甚麼御苑芳菲。玉堂名位。珂
里門楣。自榮枯。郝家仙桂。乾塗抹漢殿蛾眉。浪平
章珠玉淋漓。漫驕奢。珊瑚玳瑁。只落得走名場奪
坐。驚筵對山僧垂首支願。我杜牧之省得了也。待
吟詩一首者。家住城西杜曲坊。兩枝仙桂一齊芳。
禪師都未知名姓。始識空門意味長。我杜牧之省
得了也。

雁兒落。那紫耶朱。分明襤褸衣。那棘耶槐。分明兒

童戲那絲綸閣。分明短排場。那鳳凰池。分明虛筵席。

得勝令。錯認個名姓。列金緋。誰識是豪華。憑傀儡。甫能勾。喧闐車馬隊。又則索冷淡水雲扉。休提在。侍着進賢冠。空一世高低。只問這老頭陀。知未知。童相公問些佛法呵。外有甚佛法。則問恁未入寺時。曉得自己是個狀元。既入寺後。還曉得自己是個狀元麼。若說曉得的是假。那不曉得的從何處來。若說不曉得的是真。那曉得的從何處去。則老

僧道未入寺門時。原沒有狀元杜牧之。只有個不曉得狀元的杜牧之。急須認取。便是無上菩提也。生多承指教。言下豁然。俺就此皈依者。拜介。

七弟兄。一霎時天竺界。普皈依。永祝我塵世劫免輪迴。三生石長留清淨身。慈悲捨不種貪嗔習。

收江南。呀。便到那畫麒麟。金印肘邊垂。對僧願記取。破衲伴禪棲。大官厨自有肉。中龕好風光。只暗知。這的是蓮花寶座。不沾泥。童你看夕陽將下。啼鳥還枝。請相公歸去。咱。

尾生報龕前塋影西。似去住暗中催。報枝頭春鳥啼。似衰盛景中移。從今後把莽才華。傻風流喬甲第。齊向這空門收拾過去的。燈火寒鷄總喚做望。蜜爭梅現在的。烏紗錦綈總看破。糞積泥堆未來。的得喪歡悲總。參到圓寂茶毘。怎扯得睡鄉遊莊。非蝶非怎託得。武陵源人迷路迷原。不消五湖舟。鱸歸菜歸也不勞神。武門冠遺劍遺。何待哭北邙。山松纍栢纍。何待吊雲陽。市波危浪危。只這白雲堂。風移日移。紫微郎來遲去遲。尋常話心灰意灰。

功名事驚誰。曩誰泥金報泡。今幻兮青衫淚悲痴。恨痴行脚緣炎。宜冷宜涅槃。因閒持鬧持呀。早了却。夢黃梁許多興廢。下

西臺記

晚菴陸世廉著



第一齣

商調鳳凰閣生扮謝翱小生扮鄒鳳各冠帶家人

隨上生江天殘照恨煞孤忠難效劍光橫厲影蕭

蕭幸得故人相靠小生事機堪笑枉白了風霜髮

毛生漫將書劍學從軍塞草寒烟帶夕曛小生浪

說野謀能補國笳聲已徹嶺頭雲相揖介生小生

謝翱字臯羽建溪人也蒙故人文丞相檄至幕府

表貞臣志
節易寫義
十胸懷難
妙在不矜
浮艷實地
描摹肝膽
續眉具見

西臺詩
與至友三衢鄒瀨共參軍事，雖則言聽計從，素心
晨夕，但山河破碎，江南無一寸乾淨地，事勢已去，
將來如何措手？小生事之不可爲，小弟亦稔知之，
但食人之食者，當終人之事，况已毀家爲國，區區
成敗利鈍，總不必計較了。內鼓吹介生丞相升帳
了，且同進見。外扮文丞相引衆上。
遶地遊。外文臣擁纛，故國摧如掃，看攬槍猶森芒
角，風塵繚繞，平白地乾坤顛倒，空彈徧腰間寶刀。
外日輪誰復更揮戈，怕聽軍前蓋楚歌，事到白頭

終是盡，廬陵忠義古來多，下官文天祥，字宋瑞，廬
陵人也，起自魏朴，驟當國難，賊臣誤國，遂有啣璧
之事，趙家三百年山河社稷，俱付烟草矣，我不度
德量力，思整一旅以圖後勁，幸謝鄒二君遠來相
助，天意人事，尙未可知，但孤軍無援，難以自存，且
待二君來商個計策。二生進見。介。外今故國已墟，
一王南邁，北來軍聲益熾，我獨力難支，請問二公
計將安出？生明公以局外之身，遠赴國難，事之濟
否，所不敢知，然旣許國，便當死生以之，惟有號召

東南聯絡忠義盡我心焉而已。小生明公以忠義自矢，天日鑒之。今日之事，有進無退。至于戰守機宜，還須與張都統細細商量。互相表裏。外二公實啟我心，適已遣使請張都統去了。

高陽臺外荆棘銅駝，宮城禾黍，中原極目烟消。回首臨安，無情最是江湖。堪諳孤臣泣血，誰知也空自負氣冲晴顛。二位難道便出師未捷，營星先落。前腔生英豪，葉榜名標，綸扉身踐。從來望實崇高。今日呵折戟沉沙，還將認取前朝蓬飄。六飛早已

逾江徼論君恩，敢忘圖報。願明公重奠封疆，再安宗廟。

前腔小生牢騷刁斗宵嚴，羽書旁午。霜風破裂旌旄，共濟艱難。忍教山鬼招搖，祖鞭先着。須知道况明公丹忱可表，且從容整轡長驅，肅清沙漠。未扮

張世傑戎服引衆上。徒將熱血染征袍，萬里胡天鳥不巢。欲搗狼胥清瀚海，只今誰是霍嫖姚。自家張世傑的便是。我赴難勤王，提兵到此，恰與文丞相義師相值。適丞相有事相商，差官來請，須索走

一遭雜稟元帥到相府了。末快通報報介外出迎
介末老丞相你一旅孤軍長城萬里世傑一籌莫
展能無厚顏。外大元帥你龍顏素裕麟閣可期今
日天祥得恃以無恐非公而誰。二生進揖介末二
位爲誰。外幕僚謝翽鄒瀛皆天下有心人天祥知
已也。末世傑聞名久矣觀此邂逅殊慰平生請坐
各坐介生今日事勢有同壓卵丞相孤軍無援難
以自立所以屈麾下相商者正欲君戰于前我承
于後左提右挈共成犄角猶庶可徵侍于萬一耳

小生尤有請者北兵益進江閩俱爲戰場匡山一
片地恐非乘輿以頓之所願元帥別作良規早圖
安攘天若祚宋事或猶可爲也。外今日事勢爲之
極難但我輩爲人臣子死生以之又遑恤其他末
世傑亦辦此心久矣事若不濟決不使丞相獨死
事難預度且隨機而應便了

前腔末相遭白馬歸周金人辭漢况兼陽九方驕
力弱難支何處更築函嶠無聊條條予尾堪悲悼
望伊家共相聯絡但使我犁庭有日卽覆巢重保

前腔未鞭梢。身在戎行。職司闡寄。幾回夢裏推敲。
念亂圖存。總須將相和調。今朝寸心相語。傾懷抱。
論交情。敢忘期約。望君家。膚功早建。俺也得分餘
耀。

前腔二生難料。片石千鈞。一絲九鼎。當機若個堅
牢。計切安危。祇惟憑藉同袍。相邀今朝。把臂通談
笑。又何日。再圖傾倒。惟願取兩情。莫逆千秋共表。
未承指教。謹當銘之于心。不敢有誤。外安危共
之前途保重。

線大長江扇大天 塞垣高鳥沒狼烟
獨憐京國人南竄 門泊東吳萬里船

第二齣

淨扮傅羅丞相引衆士立馬吳山第一峯。帝星不
復照江東。靴尖趂倒長城塹。一統山河掌握中。踏
家博羅丞相的便是。我大元兵威遠震。所在投戈。
近日空坑一戰。遂使他隻輪不返。連那文丞相也
擎來了。豈非國家之幸。只是這廝意氣高岸。不肯
降屈于我。如何耐得他過。今日且喚他來。辱沒他

一番他亡國之大夫生死在我手中還敢與我相
抗麼。叫聽事官喚朱丞相文天祥過來說相府有
話講官應下引外布衣氈帽裹頭上

正宮破齊陣外破陣子頭痛煞家亡國破深慚負
此頭顱齊天樂壯氣橫霄丹心凝碧夢裏幽懷安
訴破陣子尾坐聽飛鴻聲淒楚翻羨蘇卿秃節孤
殘軀何有無我天祥責任封疆一朝喪敗誤國之
罪殺身莫贖今日羈囚在此惟願速死以完全節
如何久不加誅豈將以我爲留。夢炎平蒙古蒙古

何不知我之甚也官傅羅丞相爺有命請文爺講

話外彼亦丞相我亦丞相雖興亡事殊名位等耳

相見間禮數不明反爲不美不去也罷官丞相鈞

旨誰敢有違快去快去外隨行介花外子規燕市

月柳邊精衛浙江潮官此間是相府了請在儀門

少待稟過相見報介淨着他進來外進見長揖介

丞相拜揖淨怒介天祥好無禮你亡國之餘見我

如何不跪外天祥生平讀書此膝未嘗少屈淨唱

介這等無狀你生死在我猶敢說此大話叫左右

拽他跪。衆推拽外。挺立介。天下事有廢有興。自古帝王以及將相。滅亡誅戮。何代無之。今日天祥至此。有死而已。
錦纏道。讀詩書。負鬚眉。惟邦家是圖。竭節要匡扶。不隄防。天驕突地狂呼。怎免得戴南冠。便作囚俘。敢忘了楚三閭。身葬江魚。博羅你休者也之乎。那綱常萬古。怎忍少糊塗。今日裏相逢岐路。生和死。總付一胡盧。淨你說有廢有興。且道盤古到今。是幾帝幾王。外怒介。一部十七史。從何處說起。我今

日非赴博學宏詞科。何暇泛言。

朱奴帶錦纏。朱奴兒。何須問升沉。有亡何須問帝王疆土得失。從來水上鳧。平生事只求完玉錦纏道。莫更泣窮途。笑將來厲鬼猶堪作後圖。斧鉞曾何怖。但教青史不模糊。淨你既不肯說。且道古時曾有人臣將宗廟城郭土地付與別人。又逃去的麼。外奉國與人。是賣國之臣也。賣國者必不去。去者必非賣國者也。予除宰相奉使軍前。尋被拘執。不意賊臣獻國。國亡當死。所以不死者。以度宗二

予在浙東老母在廣耳
普天樂今日裏欲圖存誰是主欲投荒將安處空
懸念白髮慈親定省事怎教我日夜牽腸肚况兼
他玉牒天潢堪託付淨汝棄德祐嗣君而立二王
可謂忠乎外當此之時社稷爲重君爲輕我別立
君爲宗廟社稷計耳當日事別無他顧但有人把
家當戶效微軀收拾殘疆剩土淨自古帝王之立
皆有受命汝立二王是篡也外景炎度宗長子德
祐之兄不可謂不正登極于德祐去國之後不可

謂篡陳丞相以太后命奉二王出宮不可謂無所
受命

普天帶芙蓉普天樂奉慈恩情難阻當壓紉儲堪
副况敷天左祖安劉存一綫且自支吾柰事去一
旦成莽鹵玉芙蓉到如今羞看禾黍滿王都淨怒
介汝立二王竟成何功外立君以存宗社存一日
則盡臣子一日之心何功之有

錦芙蓉錦纏道論君臣共安危忠猷是據臨事以
含茶到頭來天心高遠難呼沉埋了定鼎訐謨竟

蹉跎熱血先枯。玉芙蓉毫無補。只神明鑒諸漫尋。
思寸心千古幾行書。淨既知其不可。又何必爲却。
不在自勞心。外父母有疾。雖不可爲。無不下藥之
理。今日天祥至此。有死而已。何必多言。
尾聲。山河滿眼俱非故。猛回頭屋上瞻烏。長嘯介
好笑。我欲別無家身草土。下淨他怎麼辭也不辭。
徑自去了。我看他到底倔強。恐終不爲我用。且待
奏過主上。再作區處。

一片降幡出石頭。夕陽西下水東流。

天涯盡處無征戰。空戴南冠作楚囚。

第三齣

正旦扮天妃引女從上。桑田變海峽爲陵。千古興
亡一盞燈。詫道春光好。風日履霜早已積。堅冰小
聖天妃閩中林氏女也。坐鎮滄海。驅策風濤。得制
人間死生。遂領千年香火。總之運數有定。勅旨難
違。小聖不過奉行文書而已。可憐趙宋三百年社
稷。數已垂盡。應是胡元入主中國。雖忠臣義士極
力挽留。終亦不易。今帝舟顛覆。傾蕩無餘。只那都

統張世傑擁兵海上。猶思再舉。彼亦劫中人也。豈能獨存。但其忠誠自矢。可與日月爭光。我已奏聞上帝。欲勅他共理海中政務。已奉俞旨。卽宜從事。左右可傳我旨。請龍神議事。副淨扮龍神領風伯兩師上。蛟宮自昔鄰銅柱。海若依然簸雪濤。雜報介龍神到。相見介副淨娘娘宣喚小神。有何鈞旨。且玉帝有勅。要將張都統世傑分理海中諸務。今其數已盡。須煩龍神覆諸水中。敦請受事。副淨此事風伯主之。可近前來。聽娘娘法旨。風伯謹受令。

且香骨長留天地間。清風遠拂珊瑚樹。同龍神先下風伯喚蝦兵蟹將一班水族來聽我分付。雜水族上風伯天妃有命。要覆盪張都統船隻。不得有誤。雜應介暫下。末引衆急走上。

南宮薄倖未鼓死無聲。兵罷莫進看萬疊波濤震。南風不競帝宮何處。恐匡門難穩。摧頽盡猶兀自。心頭耿耿論死綏。原是吾曹職分。敗矣敗矣彌望。旌旗捲地來。樓船未許片帆開。汨羅移向鼃鼃窟。欲躡巫咸首。重回我張世傑統領舟師十萬。扼住。

海口不意北師徑自岡門而入阻截往來帝舟聲
息杳不相聞如何是了探子操小舟上元帥不好
了元兵已入匡門帝舟不知去向未驚介怎麼了
可再打聽速速回報
紅袖襖我只道莽乾坤不遂淪我只道舊朝廷猶
復振誰知道北兵暗裏忙偷陣反教我六飛咫尺
遠難尋欲揚舫勢已吞欲移屯無安頓始信那海
島田橫竟是一場兒戲也死臨受伴鬼燐探子急
操舟上不好了不好了帝舟已覆百官從死無一

個活底了未大驚介楊太后怎麼樣探子還未知
下落未再探去探子急下未歎介國家喪敗遂至
于此我大宋以忠厚立國三百年深仁厚澤猶在
人心老天老天何不祐之甚也

前腔想當日裹黃袍擁作君想當日覆紫雲開新
運重門洞闢人心順列聖相承將古道敦遜臨安
走粵閩帝子孫皆隆準那寢廟衣冠猶月出閒游
也何到今朝遂不神探子上報元帥太后娘娘洎
那山後陸丞相抱少主赴海慟哭一場也自沈身

了未好太后好太后君死國臣死君太后又爲宗
社死千秋名義相扶不隳此我朝忠厚之報乎舉
國淪胥我將安往取辦香來待我拜告天地雜香
到未拈香拜介我張世傑爲國驅馳間關萬里一
君死復立一君臣子之心力盡矣天不祚宋可速
起風波併覆我舟

前腔我爲艱難備苦辛爲圖存親行陣頻年血戰
遭顛隕今日裏海天空濶杳無津死和生莫更論
古來今心自軫老天你還我個完節全名大宋忠

臣也赴江流畢此身風伯引水族暗上作風勢介

衆駭亂介風起了快拴了船未看介此風爲我海
若我知已也不要嘆隨他飄盪便了衆亂滾介遠
遠望見有一片黑氣壓將來船又拴不牢怎麼好
未繇他水族擁未作顛簸勢遶場走介

前腔未我虛飄飄水上蘋亂攘攘風凄緊馮夷爲
我先傳信向滄波深處早安身水族擁未急走漸
推衆兵下水介未滾潮頭似再領軍赴龍宮如重
開闢留此一宗閒話做個曲終餘奏也宋綱常萬

古新擁未急下風伯好一個張都統船已覆沒我
事已辦回復天妃去

荒原空有漢官名
風雨聲中有戰聲
直入窮泉尋水底
不知知已是何人

第四齣

雙調北新水令生引家童携酒肴上
晦林泉形影共蕭條
聽啼猿數聲哀叫
台星今已圻楚些遠難
招地下天高何處將愁心告
相從幕府志堪旌
匣底雙龍夜作聲
誰是信陵門下客
不將成敗論生

平我謝翱向與鄒鳳同在文丞相幕下一時共事
遂極相知妄意收合餘燼爲一成一旅之事不料
五坡一潰丞相遂被拘執雖天不我佑然心亦盡
矣乃事越三霜不聞死耗識者猶或疑之近日始
得確信知丞相已死柴市丞相之事畢卽我謝翱
與鄒鳳之事亦與之俱畢矣九鼎千秋亦復何憾
今日携酒肴到子陵臺下招魂祭之于陵清高丞
相義烈正自並行不悖易地皆然西臺一片石與
天壤俱無窮矣本擬與鄒兄同來祭奠恐事或播

揚人來物色。反爲不美。只得瞞過他。獨自來此小
廝。可將我設立文丞相牌位。同祭禮。擺在臺下。待
我痛哭他。一番拈香奠酒拜介。丞相謝翱在此。哭
介
駐馬聽國事。宣勞便把山河一擔挑。勤王鞠旅出
質軍前。行趨板橋。艱難歷盡。路途遙走。伏叢篠。怕
人知覺。蕢荷山樵。爲邦家也。顧不得身流落。想丞
相汎海而南。繇觀文殿學士。晉拜右相。時勢已岌
岌矣。掉行不顧。從萬死一生中。龜勉經營。不遺餘

力。至空坑一敗。而志猶未已。卽天地鬼神。能不爲
之飲泣乎。哭介

折桂令。飛青雀不辭。萬里波濤。撐半壁似諸葛綸
巾。祖逖鞭梢。怎便做伏櫪驂騮。羸笈孤鳳。受繫潛
蛟。猛回頭。伶仃洋險。重思省。惶恐灘高。鯨波正驕。
虎口難逃。從此後。只懷着夢裏君親。那免得身世
蓬飄。丞相初聞。你有黃冠歸故鄉之思。謝翱深以
爲不然。男兒死爾。廬陵柴市。寃亦何所分別。今丞
相已死。死得明白。死得乾淨。死得快活。然則丞相

未嘗死也。

雁兒落。你看那潑天風。駕海濤。鬱青霞。亘碧霄。總是那浩氣暗氤氳。忠耿相纏繆。丞相謝翱在此。你還認得故人麼。

得勝令。想當日爲圖存。與你漆和膠。事關心到處。同悲笑。逞干戈。何時了。鐵心腸。空排調。憂焦知已。真難報。牢騷英雄恨未消。丞相請飲謝翱一杯酒。痛哭介。

沽美酒。橫擺着梨花春。桑落酒。雪香醪。雞黍依然。

識故交。料得你夙心相照。早做了日星河嶽騎箕尾。光生芒角。馭雲烟氣。凌霜鏢炳。丹青風清寒。飄我阿那管他山頭野燒。只落得一聲長嘯。

收江南。呀。你還記得患難相從。有謝翱今日裡。天上人間不共鑣。成仁取義自君標。貫日虹應繞。始信道萬古雲霄一羽毛。小生鄒淵上。早間謝臯羽。匆匆出門。不知往那裏去。日已晡矣。尚不見歸。我且尋他回來。同飲幾杯酒。以遣岑寂。問介。小廝們可曉得謝爺往那裏去。內。聞在子陵臺上。小生

我也久不到釣臺了。且去眺望。一眺望。見介。臯羽兄。你在此做什麼。生。我在此哭奠文丞相。小生。弟亦久有此心。何不與我共之。生。本欲相聞。恐耳屬于垣。只得瞞了你。小生。哭得好。哭得好。自阮嗣宗死後。空山無哭聲。千三百餘年。于茲矣。你今此一慟。堪與鐘球並鳴。與風雷俱震。奕世而後。又誰爲繼其聲者。

南銷南枝。生。君臣義首共搔。當年兩人同幕寮。忍看麥秀漸漸。遂付與閒花草。你淚頻澆。我心如搗。

這衷懷誰知道。

前腔。生。換頭。當年車笠在。從來生死交。但使身名無忝。縱到嚼齒穿。斷也不啻加封號。丞相已死。我與爾心亦慰矣。從今後富春山兩足標。月沉江同一炤。

藏血三年化碧時。杜鵑啼上最南枝。

山前有客祠彭越。塞上無人斬郅支。

四妙處
任用事
實題却
何不得
作點染
情結構
離雋味
色生動

雜扮二青衣仙粧雙鬟上集唐疎庭桐伴宿風烟
此夜西亭月正圓。若但掩關勞獨夢。天桃牕下背
花眠。我們是陶李兩家青衣。寄居洛苑左近有個
崔郎別院。雖則蓬蒿滿徑。儘也清雅幽閒。俺夫人
和一二三女伴。每遇春時。或結隊踏青。或相尋鬪草。
也常到他那林亭裡。吟風弄月。抹雨梳烟。今日欲
過上東門。與封家十八姨一尋佳會。特遣小婢子
先行告知。那崔郎自是韻人。定是不嫌唐突。正是
雖然不是桃源洞。春至桃花亦滿溪。

句本作
仄平平
平平今
近體那
仄字舊
平平仄
起者非

懶畫眉 生上 九十青青付寂寥。閒中景味自蕭條。

為甚採苓歸後恁無聊。你看林子外一片夕陽淺。

紫前山照閒汲清泉。灌藥苗。艷以淡中得。媚幽成。

雋翁。雖復遊人間。蟻寄塵不紅。小生崔元微是也。

興。耽水木。侶結漁樵。虛室雲巢。卜隣花吉。以天寶。

初結廬洛苑之東。負水澆花。斲烟栽藥。物性漸通。

老圃。幽娛不愧山翁。真是坐卧皆遊。桃梅作曆。好。

不瀟酒。今晚皓月初升。一望採烟織翠。則這小圃。

中。又別是一番景致也。

不是路霧。幄烟綃處。士幽棲。浸月凹。內作青衣語。

云那翠疎疎。青曲曲。棘籬藤架。左首小紅亭。便是

崔家也。生做聽介。是何處。女郎聲音。難猜料。三三

兩兩過。蘅皋珮環飄。青衣入見介。崔先生。生覩介

只見低鬟掩黛雙痕小。敢一徑春風誤柳橋。青衣

先生不須驚怪。俺家西居洛苑。夫人偶携二二。三女

伴。探客東門。乞借佳圃小停。使妾先來奉告耳。生

原來如此。小娘子。恁夫人欲來時。憑瞻眺。怕吾廬

未合神仙到。重煩青鳥。重煩青鳥。青衣下。生坐待

介。老旦淡黃舞衣。旦淺紅衣。貼雅淡粧。小旦緋紅

衫。青衣隨上。老旦楚楚腰肢。葉葉身。旦貼春風。今

言在東隣。老旦空歌舞。袂聽黃鳥。小旦好整紅衫

侍玉人。老旦行來。已是他家也。李家姐。聞那博陵

處士。高寒疎淡。不愧清流。貼那有我輩相知。非是

風塵物外。旦俺們為探十八姨來。怎只評跋書生。

忘却正事。小旦陶家姐。為甚的直恁怕他。

前腔。雪彩霞標。我輩風流亦自脩。那十八姨呵。他

偏驕傲。倚着輕盈少女。逞虛囂。妹子想來。一任他

催花夜發承丹詔。你們呵便拜下風。甘我不抄旦。
且見過主人再來叙話。恐崔生候久。貼怕書生諂。
且移蓮步臨仙嶠。漫尋歌笑。漫尋歌笑。衆入生見。
介生呀。今夕何夕。見此粲者。老旦頃已令女奴相
告。正不識俊石紅亭。容雙成少駐否耳。生說那裡
話。但草亭未常設榻。只此湖山石畔。書草成茵。可
以小憩。衆坐介。青衣携盒上。茶旦扮封十八姨上。
集唐。小如烟氣散如塵。草綠湖南萬里情。飄樂透
香。隨日在閒花落地。聽無聲。俺封十八姨是也。揚

家娘子與陶李石醋諸姊妹。期我于洛苑之東。不
免走遭兒。青衣上遇介呀。俺娘子們已在崔家院
中等候夫人久矣。便請相見。衆笑迎介。老旦此間
林亭不惡。且主人甚賢。恐他處未必勝。此特留相
待。茶旦如此甚好。生出揖介。草草塵徑。獲垂清光。
使我風月平分。林泉生色。衆既見君子。載喜且狂。
衆侍兒看酒過來。衆送酒列坐介。
掉角兒序。衆啟芳筵。回榴葛桃。薦霞觴。交梨火棗。
幸飛瓊吹來碧霄。我輩呵抗塵容。暫同班草。衆起

輕佻之致
故在

舉觴介十八姨可滿引此杯今夕願借十八姨一

段風流成此佳會一任你轉蘭叢移蘋末度秦簫

飄玉笛占盡逍遙從今以後呵添紅點綠花明柳

嬌惹得詩人賦道不鳴條萬年枝上五緯祥麟

前腔茶旦俺展輕裾烟靄紛搖集群芳丰姿綽約

向老旦介問章臺誰託長條指旦介怕去年人難

尋舊好茶旦起舉觴介諸卿各滿引此杯小旦獨

不飲介茶旦石卿如何不飲小旦天性不能勝酒

茶旦石卿休得推辭請飲此酒祝卿多子小旦變

色介此亦何與人事煩姨見祝茶旦冷笑介小年

人乃任性如此茶旦執杯強小旦飲小旦推酒酒

傾介小旦不悅起立介十八姨何獨見侵將人衫

袖都淹了茶旦怒介石卿好不解人意俺便倒金

尊傾綠蟻濺紅裙淹殷袖也索相饒衆起勸介十

八姨俺家妹子呵他天情如火這衫兒呵丹華似

潮衆向小旦介妹子你這女兒曹做附耳低唱介

須念今朝此席爲他特地相邀生起勸介

前腔生幸群仙擎伴遊遨小園林頓成瑤島竟何

妨酒數推敲越顯得主賓傾倒今夕此會呵真個是夢三生圖一笑遇雲翹逢晨肇忍忽相拋茶日

起行介主人也不用相留了試看星移珠斗月轉

銀濤向衆旦介謝相招便彩雲輕散後會非迢衆

散介生正是散客出門斜月在兩眉愁思向橫塘

下四旦復上老旦怎的了也貼適間石妹陪他個

禮纔是主人之道小旦何必如此姊們只隨我來

復入介生復上介諸卿何又回轉小旦特有求于

處士耳姊輩皆在苑中每歲多為惡風所撓常求

十八姨相庇頃以杯酒之間逢彼之怒恐不可保

煩處士每歲旦作一朱幡上圖日月五星之文立

之苑東足矣今歲已過只此月二十一日平旦微

有東風立之亦可免難生敢不奉命衆旦多謝了

我等告辭更圖後會生別先下

尾聲衆風花原自常相保只有一種雌風妬未消

試畫一幅日月星辰將妬療

第二齣黃鐘齊微韻不犯不重

生執幡上集唐不堪芳草思王孫環珮空歸月下

魂亦有微緣兩相衛。梅花書屋近桃源。前者夜集
 女郎紅評翠。真個是清宵半刻千金好。花月三
 更一笑春。只此段邂逅奇緣。也是前生三峽。那女
 郎囑我立幡東苑。以避封姨。我却也知他來歷了。
 咳。香魂艷魄。何地無之。但非夙具根因。却也招之
 不至。我崔郎儘有些僥倖也。今日已是二十一日。
 且向苑中護持他們去來。

玉女步瑞雲。生花信頻移。林圃暗吹芳氣。問開落
 可盡關青帝。呀。說話之間。果有風從東方來也。且

就百花深處。豎起幡兒。立幡介。生做看幡介。前文

諸女郎囑付我圖日月五星在幡上。倒也位置停
 妥。只是一件。難道我崔元微。止呆呆的守着幡兒。
 在此瞻風望氣。湏是竭誠保佑他一番。纔是。幡兒
 上雖沒有甚神祇名號。則這日月五星也。儘該欽
 敬了。不免一一的向他禱告。則個東向拜日。介。日
 呵。你且出扶桑路。遙升若木枝。雲間五色滿。霞際
 九光披。今日我崔元微在此禮拜呵。

畫眉序。披丹禮朝日。則見流彩騰輝。麗東壁。早枯。

三序如爲
 日月星辰

作頌
多用人作
去上者香
令每以此
見奇詞隱
亦云巧將
人韻埋藏

蕙生暖。薜華如織。俺則待假陽和。點破陰霾。仰羲
光。漸回蕭颯。傾心竊願。同葵藿。愛戴清和。庇江筆
禱日已畢。此時日已東升。月猶西掛。恰稱我拜月
也。西向拜月。介月呵。你迢遞同千里。孤高淨九圍。
從星作風雨。配日麗旌旗。我在此禮拜呵。
前腔。幽懷訴明月。則見清冷香珠。廣寒結。便你也
不久團圓。却可也。顧瞻儔匹。只月中丹桂呵。幸仙
姿耐露禁霜。若人間桃李呵。盡柔條。怎受雨殘風
劇。只願你三春占定。嬋娟夜。莫待他銀燭高燒。炤

狼藉。如今再通告天上星辰。拜星辰介。星呵。你經
緯連三極。光華燭九垣。填橋成宿好。聚井卜文纏。
我在此禮拜呵。

前腔。摠衣叩辰極。東井西垣。自歷歷。便畢情箕好。
怎生依得我。崔元微。今日呵。剛照人半點花星。眇
愁予。一絲風隙。願携牛女。綢繆意。喚轉石尤。乖劣
禱祝已畢。却又斜陽西下也。

下小樓。情畢念他。安吉小金衣。未殘紅驛孤烟。一
片春園夕。試把心兒細想。怎盡是書生之力呀呀。

是好微倖也。你看苑外光景，想都被風摧折來。那
幡兒果得力也。方從廣苑圍紅紫，却返荒齋省薜
蘿。虛下老旦旦貼旦小旦上介旦是虧了那生志
誠也。小旦我說不要愁那封十八。

鮑老催合狂飈自歇鵝黃舞衫飄瑟瑟微酡小臉
紅昔昔蠅粉留蠟珠攢腥脂溢生生剪石颺雲汁
依依向碧遮芳翊他若春春在春春逸貼那生與
人以德而不驕其容便勝十八姨多少旦他雖不
自德我輩何敢忘之老旦只是何以爲報旦富貴

功名俱男兒所自致。况這也何足重他。只靠之以
長生便了。小旦既如此我們各裊桃李花數斗贈
他服此却老延年與天同壽可也報德不淺了。衆
正合如此。衆各裊花行介

滴滴金合想人間憐憐惜惜是這三春節怎知他
小小春幡恁停帖紅亭紫陌皆寧緝這餘芳猶似
純嘏錫感深還嘆息雋兒郎食花過軒曆永受這
長城覆翼想崔生此時還未睡也叩門介崔生崔

生。生。上介

雙聲子。清宵逸。清宵逸。想女伴。重停軾。衆見介聞

玉鳥聞玉鳥。循池入。慇懃忒。作謝介崔生崔生多

謝你保護之德也。承扶掖。承扶掖。便重來石上。此

恩無極。生惜月憐花。是書生分所當然。何謝之有。

衆且太謙了。各贈花介俺姊妹行無以為情。各裹

桃李花數斗為壽。此花非人間所有。服之却老延

年。只今暫在花間。異日同歸天上。生力微恩重。何

福能勝。

尾聲。衆仙郎自具神仙質。巧借十八封姨。增護惜。

生但願世世生生衛紅碧。

零落逢春倍黯然。一身憔悴對花眠。

南園綠草飛蝴蝶。薄日青山哭杜鵑。

集唐

天若有情天亦老。月如無恨月常圓。

偶翻踈調歸紅史。慰否東風花少年。



天井作部天亦
南園雜草紙
零落盡春帝御
小可應野野坐空海疎

大掛
御衣
御衣

